

۲۳ شعبان سنه ۱۳۳۳

صالی

۲۳ حزيران سنه ۱۳۳۱

DJÉRID : SOUFIE

Fonde en 1090

Organe Turc Fanislanique

Directeur Propriétaire.

HASAN KIAZIM

No. 111, le 9 (6 juillet 1915

Adresse. Avenue de la S. Porte

Rue Eboussonoud

جريدة الصوفي

شمديك اون بش كونده برنشر اولنور

صاحب امتياز ومدير مسئول حسن كاظم
تاريخ تاسيسي ۱۳۲۷ سنه هجري

ملت اسلاميه — امت عثمانيه ايجون مفيد اولان آثاره
صحيفه لر منر آچيقدر درج ايدلمان اوراق اعاده ايدلنر
استانبولده باب عالي جوارنده ابوالسعود چاده سنده
نجيم استقبال مطبعه سنده اداره خانه منر اصحاب
مراجعه هر ساعت آچيقدر

سنه لك اعتباريله ممالك شاهانه ايجون پشين
اولرق ۴۰ التي الهني ۲۵ غروش وممالك
اجنيه ايجون ۱۲ فرانقدر .
تلفون نومروسى : ۱۰۹۷

نسخه سي ۵۰ پاره در

تصوفى ، دينى ، اخلاقى ادبى ، سياسى جريده اسلاميه در

نومرو ۱۱۱

مقالات

دین اسلام حامی و هادی ترقیدر

قال رسول الله صلى الله عليه وسلم الايمان بضع وسبعون شعبه اعلاها قول لا اله الا الله وادناها امانة الاذى عن الطريق او كما قال ... ترجمه سی : ایمانك یتشبع بوقدر شعبه سی اولوب اك بيوكى كلة توحيد اك كوچكى خلقك كلوب كچدیكى يوللرى تميزلك يعنى ناسك حيواناتك سربسته آمدوشدینی تأمین و نقلیاتك سرعتله اجراسنی تسهیل ایچون طرق عمومیه بی توسیع ایله حدتكماله ایصال ایلكدر. آمر ترقیات مادیه و معنویه و كافل سعادت دینیوه و اخرویه اولان شریعت غرای محمدیه بی مانع ترقی زعم ایدن دشمنان دین و قایلری نور ایمان و عرفاندن خالی ، ظلمت كفر و عنادله مالی سبكمغزان برکین بالاده کی حدیث شریفی کورسونلر کورسونلرده ایمان و انصافه کسونلر . بو گونه قدر حكومت ظالمة سابقه نك ، منحوس روسلرك، حيله كار ، غدار انكیزلرك اخلاق دوشكونی فرانسزلرك بیک درلو مظالمی ایله سئلردن بری ازیلن و مملكتلری خرابه یوز طوتان بیچاره مسلمانلره و آنلرك نامعمور بلده لرینه باقوبده اسلامیت مانع ترقی ایتش دیسونلر . مسلمانلری ترقیدن محروم براقان ، کوزلرینی آجدر میان دینلری دكل . اوروپالیلرك مظالمی در . وقتيله مسلمانلرك حیرت افزای عقول اولان ترقیات مادیه و معنویه لرینك سبب یكاسی دینلریدر . دینلرینه رابطه لریدر . خلقك آمدوشدینی تأمین و نقلیاتك سرعتله اجراسنی تسهیل ایچون طرق و معابر ك طرح ، تعلیم و توسیعی امر ایدن دین فصل اولورده مانع ترقی اولور .

خلاصه شریعت مطهره مؤمنین و مؤمناتك مادی ، معنوی ، دینی ، اخروی سعادت لرینه خادم بر جوق اوامر ، نواهی بی جامع بر قانون الهیدر . بو قانونك اوامرینی طوتوب نواهیسندن اجتناب ایدنلر سعادت دارینه نائل اولورلر كرد نكشان فرمان الهی اولانلر یعنی قانونه اطاعت ایتمیلر ایکی عالمده فلاكت بولورلر . ان شاء الله الرحمن كله جك نسخرلمزده دین مینمرك مانع ترقی اولوب بلكه ترقیات مادیه و معنویه بی آمر اولدیفنه دائر مقاله لر نشريله تنویر اذهانه چالشه جفز و منه التوفیق .

ریزه لی : علی حیدر

تراجم

كلزار حقیقته بلبل پیر طریقت حضرت سنبل

مشهور عالم اولان بو ذات شریفك اسم عالیلری یوسف بن علی بن قیابكدر . لقبرلری زین الدین شهرتلری ایسه سنبل سناندر . حرز یفونده مهد آرای عالم وجود اولوب ابتدای تحصیللری بورادن باشلار . بعدا سبارته یه كلهرك افضل زاده دن وسائر علمادان علم تفسیر و حدیث تعلم ایدرك حتی شرح موافقی از برینه آله حق درجده اثر

ذكا کوستر مشدر . مناصب علمییه منہمك اولدینی صرمده طریق صوفیه سلوك آرزوسی غالب كلهرك جمال خلوتی حضرتلرینه [۱] انتساب ایدوب مظهر کمال اولمشدر .

معرفت باغی ایچره شیخ سنبل آجیلوب اولمشیدی سان برکل کل کی عرض ایدنجه رخسارین هر کورن اولوردی خوش بلبل حضرت سنبل بدایه طریق صوفیه معترض ایکن جمال خلوتی کی و بر سلطان طریقتك اسیر عرفانی اولمشدردی . صورت انتسابلرینه و مناقب سائر لرینه دائر تفصیلات اللمظات نام اثر مقبولده واردركه بونك بر نسخہ سی وفاده عاطف بك کتبخانه سننده دیکر نسخہ سی سلطان احمدده میدانه ناظر دركاهك کتبخانه سننده موجوددر . کندیلرینی سنبل دیه تلقیب ایدن جمال خلوتیدر .

انتسابلری صرمده منامنده کوررلرکه خلق عالم بر بیوك قوبونك باشنه طوبیلا تمشیر کیمی کندی قوغه سیله کیمی بشقه سنك قوغه سیله صو چیقاریبور . حضرت سنبل ایسه ایچمك مراد ایدنجه قوبونك صوبی طاشیور . اطرافه جریان باشلیور . قوغیه احتیاج قالیور . حضرت قانه قانه ایچبور . بورؤیاسنی شیخه عرض ایدنجه « آبنم سنبل فیوضات الهیه بی بشقه لری بر جوق محن و مشقته اله کتیریبور . حالبوکه سزه قولایلق میسر اولش بو حال نیچون میدانه چیقارمیورسین ، بیورمسیله اوله بر دریای ریاضت و مجاهده یه طالمشركه نتیجه سنده :

ریاضتله اولوب منایه واصل سردای هر نه ایسه اولدی حاصل

سرینه ایرمشدردر . انتسابنك دردنجی سنسی مستخلف اولدیلر . شیخلری « بشقه لرینك فرق سنده الله ایدده چکی کالی سنبل اوج سنده اله کتیردی » دیه مباهات پیوردرلریش . حضرت سنبل شیخك امریله مصره عزیمتله نشر طریقت ایدوب بر مدت صکره جمال خلوتی چه نیت ایلدکلرندن استانبوله دعوت ایتش و کریمه محترملری صفیه نام با کیزه بی جناب سنبله تزویج ایله برابر حضرت سنبلی سجاده ارشاده اقامد ایلمهرك غایم راه حجاز اولمشدر .

دیگر بر روایت کوره استانبولدن شامه مواصلتنده حضرت سنبلی مصردن دعوت ایلیوب نه چاره که هنوز واصل و ملاقی اولمدهن شیخك ارتحالی وقوع بولدیفتندن حضرت سنبل زیارت حریمندن صکره استانبولی تشریف بیورمشدردر . قوجه مصطفی باشاده کی آستانه معلاده تام اوتوز اوج ییل سجاده ارشاده زینت و یروب آخر عمر لرینه قدر ، علم تفسیر و سر تذکیر ایله مشغول اولهرق شهرتلری آفاقی طوتمشدر . حضرت سنبل بك ریاضتکار اولدقلرندن اون سکز سنه آرقه سنسی یرمه قوبوب یاتمدینی منقولدر . عمری مشرب ، قوی مذهب ، جلالی غالب ، محب فقرا ایدی . زمان طالبانده سماع و دورانك مشروع و غیر مشروع اولدینی مسئله سی تحدت ایدوب علمای عصرله مباحثات مهمه سی واردر . سماع و دورانك حله دائر بر تألیف کزینی اولوب مفتی الثقلین ابن کمال حضرتلرینك بر فتوای شریف ایله تصدیق کرده سی اولدینی و فقط اصل نسخهنك خانقاهده [۱] عرفای عصردن بروه لی طاهر بك افندی ترجمه حالی نشر ایلمشدردر .